

www.banglainternet.com

Sunanu Ibn Mazah Bangla Onubad

2nd Volume,

Kaffarat

بِسْمِ اللَّهِ الرَّحْمَنِ الرَّحِيمِ

۱۱. كِتَابُ الْكُفَّارَاتِ

অধ্যায় : কাফ্ফারাত

۱. بَابُ يَمِينِ رَسُولِ اللَّهِ ﷺ الَّتِي كَانَ يَحْلِفُ بِهَا

অনুচ্ছেদ : রাসূলুল্লাহ ﷺ যেভাবে কসম করতেন

২০৯০ حَدَّثَنَا أَبُو بَكْرِ بْنُ أَبِي شَيْبَةَ ثَنَا مُحَمَّدُ بْنُ مُصْعَبٍ عَنِ الْأَوْزَاعِيِّ عَنْ

يَحْيَى بْنِ أَبِي كَثِيرٍ، عَنْ هِلَالِ بْنِ أَبِي مَيْمُونَةَ، عَنْ عَطَاءِ بْنِ يَسَّارٍ، عَنْ رِفَاعَةَ الْجُهَنِيِّ، قَالَ كَانَ النَّبِيُّ ﷺ إِذَا حَلَفَ قَالَ وَالَّذِي نَفْسُ مُحَمَّدٍ بِيَدِهِ -

২০৯০ আবু বকর ইবন আবু শায়বা (র)...রিফা'আ জুহানী (রা) থেকে বর্ণিত। তিনি বলেন, নবী

ﷺ যখন কসম করতেন, তখন বলতেনঃ সে সত্তার কসম, যার হাতে মুহাম্মদের প্রাণ।

২০৯১ حَدَّثَنَا هِشَامُ بْنُ عَمَّارٍ ثَنَا عَبْدُ الْمَلِكِ بْنُ مُحَمَّدٍ الصَّنْعَانِيُّ - ثَنَا الْأَوْزَاعِيُّ

عَنْ يَحْيَى بْنِ أَبِي كَثِيرٍ عَنْ هِلَالِ بْنِ أَبِي مَيْمُونَةَ عَنْ عَطَاءِ بْنِ يَسَّارٍ، عَنْ رِفَاعَةَ بْنِ عَرَابَةَ الْجُهَنِيِّ، قَالَ كَانَتْ يَمِينُ رَسُولِ اللَّهِ ﷺ الَّتِي يَحْلِفُ بِهَا، أَشْهَدُ عِنْدَ اللَّهِ وَالَّذِي نَفْسِي بِيَدِهِ -

[২০৯১] হিশাম ইবন আয্মার (র)... রিফা'আ ইবন ইরাবা জুহানী (রা) থেকে বর্ণিত। তিনি বলেন, রাসূলুল্লাহ ﷺ যা দিয়ে কসম করতেন, তা ছিল: আমি আল্লাহর নিকট সাক্ষ্য দিচ্ছি এবং সে সত্তার কসম, যার হাতে আমার প্রাণ।

[২.৯২] هَدُّنَا أَبُو إِسْحَاقَ الشَّافِعِيُّ إِبرَاهِيمَ بْنَ مُحَمَّدِ بْنِ الْعَبَّاسِ ثَنَا عَبْدُ اللَّهِ بْنِ رَجَاءِ الْمَكِّيُّ، عَنْ عَبْدِ بْنِ إِسْحَاقَ، عَنْ ابْنِ شِهَابٍ، عَنْ سَالِمٍ، عَنْ أَبِيهِ، قَالَ كَانَتْ أَكْثَرَ أَيْمَانِ رَسُولِ اللَّهِ ﷺ لَا وَمُصْرِفِ الْقُلُوبِ -

[২০৯২] আবু ইসহাক শাফি'য়ী ইবরাহীম ইবন মুহাম্মদ আব্বাস (র)... সালিমের পিতা (রা) থেকে বর্ণিত। তিনি বলেন, রাসূলুল্লাহ ﷺ -এর অধিকাংশ কসম ছিল: "না, অন্তরের পরিবর্তন সৃষ্টিকারীর কসম!"

[২.৯৩] هَدُّنَا أَبُو بَكْرٍ بْنُ أَبِي شَيْبَةَ. ثَنَا حَمَّادُ بْنُ خَالِدٍ وَحَدَّثَنَا يَعْقُوبُ، بْنُ حُمَيْدٍ بْنِ كَاسِبٍ ثَنَا مَعْنُ بْنُ عَيْسَى، جَمِيعًا عَنْ مُحَمَّدِ بْنِ هِلَالٍ، عَنْ أَبِيهِ، عَنْ أَبِي مُرَيْرَةَ، قَالَ كَانَتْ يَمِينُ رَسُولِ اللَّهِ ﷺ لَا وَاسْتَغْفِرُ اللَّهَ -

[২০৯৩] আবু বকর ইবন আবু শায়বা ও ইয়াকুব ইবন হুমায়দ ইবন কাসিব (র)... আবু হুরায়রা (রা) থেকে বর্ণিত। তিনি বলেন, রাসূলুল্লাহ ﷺ এর কসম এমন ছিল: "না, আমি আল্লাহর নিকট ক্ষমা চাচ্ছি।"

۲. بَابُ النَّهْيِ أَنْ يَحْلِفَ بِغَيْرِ اللَّهِ

অনুচ্ছেদ : আল্লাহ ছাড়া অন্যের নামে কসম করা নিষেধ

[২.৯৪] هَدُّنَا مُحَمَّدُ بْنُ أَبِي عُمَرَ الْعَدَنِيُّ ثَنَا سُفْيَانُ بْنُ عُيَيْنَةَ عَنِ الرَّهْرِيِّ، عَنْ سَالِمِ بْنِ عَبْدِ اللَّهِ بْنِ عُمَرَ، عَنْ أَبِيهِ، عَنْ عُمَرَ، أَنَّ رَسُولَ اللَّهِ ﷺ سَمِعَهُ يَحْلِفُ بِأَبِيهِ - فَقَالَ رَسُولُ اللَّهِ ﷺ إِنَّ اللَّهَ يَنْهَاكُمْ أَنْ تَحْلِفُوا بِآبَائِكُمْ قَالَ عُمَرُ فَمَا حَلَفْتُ بِهَا ذَاكِرًا وَلَا إِثْرًا -

[২০৯৪] মুহাম্মদ ইবন আবু উমর আদানী (র)... উমর (রা) থেকে বর্ণিত। রাসূলুল্লাহ ﷺ উমর (রা)-কে তার পিতার নামে কসম করতে শুনলেন। তখন রাসূলুল্লাহ ﷺ বললেন: নিশ্চয় আল্লাহ তোমাদেরকে তোমাদের বাপ-দাদার নামে কসম করতে নিষেধ করেছেন। উমর (রা) বলেন: এরপর আমি নিজে ইচ্ছা করে এবং অন্যের কথা উদ্ধৃতি দিতে গিয়েও আর পিতার নামে কসম করিনি।

[২.৯৫] هَدُّنَا أَبُو بَكْرٍ بْنُ أَبِي شَيْبَةَ ثَنَا عَبْدُ الْأَعْلَى، عَنْ هِشَامِ، عَنِ الْحَسَنِ، عَنْ عَبْدِ الرَّحْمَنِ بْنِ سَمُرَةَ، قَالَ: قَالَ رَسُولُ اللَّهِ ﷺ لَا تَحْلِفُوا بِالطَّوَاغِي، وَلَا بِآبَائِكُمْ -

২০৯৫ আবু বকর ইবন আবু শায়বা (র)..... আব্দুর রহমান ইবন সামুরাহ (রা) থেকে বর্ণিত।

তিনি বলেন, রাসূলুল্লাহ ﷺ বলেছেনঃ তোমরা প্রতিমা ও তোমাদের বাপ-দাদার নামে কসম করবে না।

২০৯৬ حَدَّثَنَا عَبْدُ الرَّحْمَنِ بْنُ إِبرَاهِيمَ الدِّمَشْقِيُّ ثَنَا عُمَرُ بْنُ عَبْدِ الْوَاحِدِ، عَنِ الْأَوْزَاعِيِّ عَنِ الزُّهْرِيِّ، عَنْ حُمَيْدٍ، عَنْ أَبِي هُرَيْرَةَ، أَنَّ رَسُولَ اللَّهِ ﷺ قَالَ مَنْ حَلَفَ، فَقَالَ فِي يَمِينِهِ بِالْأَلْتِ وَالْعُرَى، فَلْيَقُلْ لَا إِلَهَ إِلَّا اللَّهُ -

২০৯৬ আব্দুর রহমান ইবন ইবরাহীম দিমাশকী (র).... আবু হুরায়রা (রা) থেকে বর্ণিত।

রাসূলুল্লাহ ﷺ বলেছেনঃ কসম করতে গিয়ে যে এমন বললোঃ "লা'ত ও উয্য়ার কসম!" সে যেন লা-ইলাহা ইল্লাল্লাহ্ কালিমা পাঠ করে নেয়।

২০৯৭ حَدَّثَنَا عَلِيُّ بْنُ مُحَمَّدٍ وَالْحَسَنُ بْنُ عَلِيٍّ الْخَلَّالُ قَالَا ثَنَا يَحْيَى بْنُ أَدَمَ عَنْ إِسْرَائِيلَ، عَنْ أَبِي إِسْحَاقَ، عَنْ مُصْعَبِ بْنِ سَعْدٍ، عَنْ سَعْدِ، قَالَ حَلَفْتُ بِالْأَلْتِ وَالْعُرَى فَقَالَ رَسُولُ اللَّهِ ﷺ قُلْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ ثُمَّ أَنْفُتْ عَنْ يَسَارِكِ ثَلَاثًا وَتَعَوَّذْتُ وَلَا تَعُدُّ -

২০৯৭ 'আলী ইবন মুহাম্মদ ও হাসান ইবন আলী খাল্লাল (র).... সা'দ (রা) থেকে বর্ণিত। তিনি

বলেনঃ আমি একবার লা'ত ও উয্য়ার নামে কসম করেছিলাম। তখন রাসূলুল্লাহ ﷺ বলেনঃ তুমি এই বাক্যটি পাঠ করে নাও : لَا إِلَهَ إِلَّا اللَّهُ وَحْدَهُ لَا شَرِيكَ لَهُ ; পরে তিনবার বাম দিকে থুথু নিক্ষেপ কর ও শয়তান থেকে আশ্রয় চাও। আর কখনো এরূপ করবে না।

৩. بَابُ مَنْ حَلَفَ بِمِلَّةٍ غَيْرِ الْإِسْلَامِ

অনুচ্ছেদ : ইসলাম ছাড়া অন্য কোন মিল্লাতের কসম করা

২০৯৮ حَدَّثَنَا مُحَمَّدُ بْنُ يَحْيَى ثَنَا أَبُو عَبْدِ عَدِيٍّ، عَنْ خَالِدِ الْحَذَّاءِ، عَنْ أَبِي قِلَابَةَ عَنْ ثَابِتِ بْنِ الضَّحَّاكِ، قَالَ قَالَ رَسُولُ اللَّهِ ﷺ مَنْ حَلَفَ بِمِلَّةٍ سِوَى الْإِسْلَامِ كَاذِبًا مُتَعَمِّدًا، فَهُوَ كَمَا قَالَ -

২০৯৮ মুহাম্মদ ইবন ইয়াহুইয়া (র).... ছাবিত ইবনু যাহ্‌হাক (রা) থেকে বর্ণিত। তিনি বলেন,

রাসূলুল্লাহ ﷺ বলেছেনঃ যে ব্যক্তি ইচ্ছাকৃতভাবে ইসলাম ছাড়া অন্য মিল্লাতের মিথ্যা কসম করে, তবে সে তাই হয়ে যাবে, যা সে বলেছে।

২০৯৯ حَدَّثَنَا هِشَامُ بْنُ عَمَّارٍ ثَنَا بَقِيَّةُ عَنْ عَبْدِ اللَّهِ بْنِ مُحَرَّرٍ، عَنْ قَتَادَةَ، عَنْ أَنَسٍ قَالَ سَمِعَ النَّبِيَّ ﷺ رَجُلًا يَقُولُ أَنَا، إِذَا لَيْسَ بِي فَقَالَ رَسُولُ اللَّهِ ﷺ وَجِبَتْ -

২০৯৯ হিশাম ইবন আশ্বার (র)...আনাস (রা) থেকে বর্ণিত। তিনি বলেন, রাসূলুল্লাহ ﷺ জনৈক ব্যক্তিকে এমন বলতে শুনলেনঃ আমি যদি একরূপ করি তবে আমি ইয়াহুদী। তখন রাসূলুল্লাহ ﷺ বললেনঃ সাব্যস্ত হয়ে গেল।

২১০০ حَدَّثَنَا مُحَمَّدُ بْنُ إِسْمَاعِيلَ بْنِ سَمُرَةَ ثَنَا عُمَرُ بْنُ رَافِعِ الْبَجَلِيُّ ثَنَا الْفَضْلُ بْنُ مُوسَى، عَنِ الْحُسَيْنِ بْنِ وَاقِدٍ، عَنْ عَبْدِ اللَّهِ بْنِ بُرَيْدَةَ، قَالَ قَالَ رَسُولُ اللَّهِ ﷺ مَنْ قَالَ إِنِّي بَرِيءٌ مِنَ الْإِسْلَامِ فَإِنْ كَانَ كَاذِبًا فَهُوَ كَمَا قَالَ وَإِنْ كَانَ صَادِقًا لَمْ يَعُدْ إِلَيْهِ الْإِسْلَامُ سَالِمًا -

২১০০ মুহাম্মদ ইবন ইসমায়ীল ইবন সামুরা (র)... বুয়ায়দা (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ যে ব্যক্তি বলে যে, আমি তো ইসলাম থেকে মুক্ত, সে যদি মিথ্যাও বলে থাকে, তবুও সে যেমন বলেছে, তেমনই হবে। আর যদি সে সত্য বলে থাকে, তবুও ইসলাম আর তার কাছে নিরাপদে ফিরে আসে না।

৪. بَابُ مَنْ حَلَفَ لَهُ بِاللَّهِ فَلْيُرْضَ

অনুচ্ছেদ : যার জন্য আল্লাহর নামে কসম করা হয়, সে যেন তাতে সন্তুষ্ট হয়

২১০১ حَدَّثَنَا مُحَمَّدُ بْنُ إِسْمَاعِيلَ بْنِ سَمُرَةَ ثَنَا أَسْبَاطُ بْنُ مُحَمَّدٍ، عَنْ مُحَمَّدِ بْنِ عَجَلَانَ، عَنْ نَافِعٍ، عَنْ ابْنِ عُمَرَ، قَالَ سَمِعَ النَّبِيَّ ﷺ رَجُلًا يَحْلِفُ بِأَيْبِهِ فَقَالَ لَا تَحْلِفُوا بِأَبَائِكُمْ مَنْ حَلَفَ بِاللَّهِ فَلْيَصْدُقْ وَمَنْ حَلَفَ لَهُ بِاللَّهِ فَلْيُرْضَ وَمَنْ لَمْ يَرْضَ بِاللَّهِ، فَلَيْسَ مِنَ اللَّهِ -

২১০১ মুহাম্মদ ইবন ইসমায়ীল ইবন সামুরা (রা)... ইবন উমর (রা) থেকে বর্ণিত। তিনি বলেনঃ নবী ﷺ জনৈক ব্যক্তিকে তার পিতার নামে কসম করতে শুনলেন। তখন তিনি বললেনঃ তোমরা তোমাদের বাপ-দাদার নামে কসম করো না। আর যে ব্যক্তি আল্লাহর নামে কসম করে, সে যেন তা সত্যে পরিণত করে। আর যার জন্য আল্লাহর নামে কসম করা হয়, সে যেন তাতে সন্তুষ্ট থাকে। আর যে ব্যক্তি আল্লাহর নামে সন্তুষ্ট হয় না, তার আল্লাহর সাথে কোন সম্পর্ক থাকে না।

২১০২ حَدَّثَنَا يَعْقُوبُ بْنُ حُمَيْدٍ بْنِ كَاسِبٍ ثَنَا حَاتِمُ بْنُ إِسْمَاعِيلَ، عَنْ أَبِي بَكْرٍ بْنِ يَحْيَى بْنِ النَّضْرِ، عَنْ أَبِيهِ، عَنْ أَبِي هُرَيْرَةَ، أَنَّ النَّبِيَّ ﷺ قَالَ رَأَى عَيْسَى بْنُ مَرْيَمَ رَجُلًا يَسْرِقُ - فَقَالَ أَسْرَقْتَ؟ قَالَ لَا وَالَّذِي لَا إِلَهَ إِلَّا هُوَ فَقَالَ عَيْسَى أَمَنْتُ بِاللَّهِ، وَكَذَّبْتُ بِصُرْبِي -

২১০২ ইয়াকুব ইবন হুমায়দ ইবন কাসিব (র)... আবু হুরায়রা (রা) থেকে বর্ণিত। নবী ﷺ বলেনঃ 'ঈসা ইবন মারয়াম জনৈক ব্যক্তিকে চুরি করতে দেখলেন। তখন তিনি বললেনঃ তুমি চুরি

করলে? সে বললঃ "না! সে সত্তার কসম, যিনি ব্যতীত আর কোন ইলাহ নেই।" তখন 'ঈসা (আ) বললেনঃ আমি আল্লাহর প্রতি ঈমান আনলাম এবং আমার চোখকে মিথ্যাবাদী সাব্যস্ত করলাম।

৫. بَابُ الْيَمِينِ حِنْثٌ أَوْ نَدْمٌ

অনুচ্ছেদ : কসমের পরিণাম হলো গুনাহ অথবা অনুতাপ

২১০২ حَدَّثَنَا عَلِيُّ بْنُ مُحَمَّدٍ ثَنَا أَبُو مَعَاوِيَةَ عَنْ بَشَّارِ بْنِ كِدَّامٍ، عَنْ مُحَمَّدِ بْنِ زَيْدٍ، عَنْ ابْنِ عُمَرَ، قَالَ قَالَ رَسُولُ اللَّهِ ﷺ إِنَّمَا الْحَلْفُ حِنْثٌ أَوْ نَدْمٌ -

২১০৩ আলী ইবন মুহাম্মদ (র)... ইবন উমর (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ বস্তৃত কসমের পরিণাম হলো গুনাহ অথবা অনুতাপ।

৬. بَابُ الْأَسْتِئْذَانِ فِي الْيَمِينِ

অনুচ্ছেদ : কসমে ইস্তিছনা শব্দ যুক্ত করা

২১০৪ حَدَّثَنَا الْعَبَّاسُ بْنُ عَبْدِ الْعَظِيمِ الْعَنْبَرِيُّ ثَنَا عَبْدُ الرَّزَّاقِ أَنبَأَنَا مَعْمَرُ، عَنْ بِنِ طَاوُسٍ عَنْ أَبِيهِ، عَنْ أَبِي هُرَيْرَةَ، قَالَ : قَالَ رَسُولُ اللَّهِ ﷺ مَنْ حَلَفَ فَقَالَ إِنْ شَاءَ اللَّهُ فَلَهُ ثَنِيَاهُ -

২১০৪ আব্বাস ইবন আব্দুল আযীম আন্বরী (র)... আবু হুরায়রা (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ যে ব্যক্তি কসম করে এবং বলেঃ "ইনশাআল্লাহ,"— আল্লাহ চাহেন তো, তার এ ইস্তিছনা কার্যকর হবে।

২১০৫ حَدَّثَنَا مُحَمَّدُ بْنُ زِيَادٍ ثَنَا عَبْدُ الْوَارِثِ بْنُ سَعِيدٍ، عَنْ أَيُّوبَ، عَنْ نَافِعٍ، عَنْ ابْنِ عُمَرَ، قَالَ : قَالَ رَسُولُ اللَّهِ ﷺ مَنْ حَلَفَ وَأَسْتَسْتَيْ، إِنْ شَاءَ رَجَعُ، وَإِنْ شَاءَ تَرَكَ، غَيْرَ حَانِثٍ -

২১০৫ মুহাম্মদ ইবন যিয়াদ (র)... ইবন উমর (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ যে ব্যক্তি কসম করে, আর ইস্তিছনা শব্দ যুক্ত করে (ইনশাআল্লাহ), সে ইচ্ছা করলে বক্তব্য থেকে ফিরে যেতে পারে, অথবা সে তা পরিত্যাগ করতে পারে। এতে সে শপথ ভঙ্গকারী বলে গণ্য হবে না।

২১০৬ حَدَّثَنَا عَبْدُ اللَّهِ بْنُ مُحَمَّدٍ الرَّهْمِيُّ ثَنَا سُفْيَانُ بْنُ عُيَيْنَةَ، عَنْ أَيُّوبَ، عَنْ نَافِعٍ، عَنْ ابْنِ عُمَرَ رَوَايَةً، قَالَ مَنْ حَلَفَ وَأَسْتَسْتَيْ فَلَنْ يَحْنُثَ -

২১০৬ আব্দুল্লাহ ইবন মুহাম্মদ যুহরী (র)... ইবন উমর (রা) থেকে রাসূলুল্লাহ ﷺ -এর বরাতে বর্ণিত। তিনি বলেছেনঃ যে ব্যক্তি কসম করে আর ইস্তিছনা শব্দ যুক্ত করে, সে শপথ ভঙ্গকারী বলে গণ্য হবে না।

৭. بَابُ مَنْ حَلَفَ عَلَى يَمِينٍ فَرَأَى غَيْرَهَا خَيْرًا مِنْهَا

অনুচ্ছেদ : কোন কিছুর উপর কসম করার পর এর চেয়ে উত্তম দেখলে

২১০৭ حَدَّثَنَا أَحْمَدُ بْنُ عَبْدِ اللَّهِ بْنِ حَمَّادٍ عَنْ زَيْدِ بْنِ زَيْدٍ عَنْ غَيْلَانَ بْنِ جَرِيرٍ، عَنْ أَبِي بُرَكَّةَ، عَنْ أَبِيهِ أَبِي مُوسَى، قَالَ أَتَيْتُ رَسُولَ اللَّهِ ﷺ فِي رَهْطٍ مِنَ الْأَشْعَرِيِّينَ نَسْتَحْمِلُهُ فَقَالَ رَسُولُ اللَّهِ ﷺ وَاللَّهِ! مَا عِنْدِي مَا أَحْمِلُكُمْ عَلَيْهِ قَالَ فَلَبِئْنَا مَا شَاءَ اللَّهُ ثُمَّ أَتَى بِإِبِلٍ فَأَمَرَ لَنَا بِثَلَاثَةِ إِبِلٍ نَوَدُّ غَيْرَ الذَّرْبِيِّ فَلَمَّا انْطَلَقْنَا قَالَ بَعْضُنَا لِبَعْضٍ أَتَيْنَا رَسُولَ اللَّهِ ﷺ نَسْتَحْمِلُهُ فَحَلَفَ الْأَ يَحْمِلُنَا ثُمَّ حَمَلْنَا إِرْجِعُوا بِنَا فَأَتَيْنَاهُ، فَقُلْنَا: يَا رَسُولَ اللَّهِ! إِنَّا أَتَيْنَاكَ نَسْتَحْمِلُكَ فَحَلَفْتَ أَنْ لَا تَحْمِلُنَا ثُمَّ حَمَلْتَنَا فَقَالَ وَاللَّهِ! مَا أَنَا حَمَلْتُكُمْ بَلِ اللَّهُ حَمَلَكُمْ إِنِّي، وَاللَّهِ! إِنْ شَاءَ اللَّهُ، لَا أَحْلِفُ عَلَى يَمِينٍ فَأَرَى غَيْرَهَا خَيْرًا مِنْهَا إِلَّا كَفَرْتُ عَنْ يَمِينِي وَأَتَيْتُ الَّذِي هُوَ خَيْرٌ أَوْ قَالَ أَتَيْتُ الَّذِي هُوَ خَيْرٌ وَكَفَرْتُ عَنْ يَمِينِي -

২১০৭ আহমদ ইবন আব্দা (র)..... আবু মুসা (রা) থেকে বর্ণিত। তিনি বলেনঃ আমি আশ আরীদের একটি দলের সাথে রাসূলুল্লাহ ﷺ -এর কাছে বাহন চাইতে এসেছিলাম। তখন রাসূলুল্লাহ ﷺ বললেনঃ আল্লাহর কসম! আমি তোমাদের বাহন দিতে পারব না। আমার কাছে এমন কিছুই নেই, যার উপর আমি তোমাদের আরোহণ করতে পারি। রাবী বলেনঃ আমরা আল্লাহর ইচ্ছায় কিছুক্ষণ অপেক্ষা করলাম। এরপর (রাসূলুল্লাহ ﷺ -এর কাছে) কিছু উট আনা হলো। তখন তিনি আমাদের জন্য তিনটি উজ্জ্বল কুঁজ বিশিষ্ট উট দেওয়ার নির্দেশ দিলেন। আমরা যখন ফিরে যাচ্ছিলাম, তখন আমাদের একজন অপরজনকে বললোঃ আমরা রাসূলুল্লাহ ﷺ -এর কাছে বাহন চাইতে এসেছিলাম, তখন তিনি কসম খেয়ে বলেছিলেন যে, তিনি আমাদের বাহন দিতে পারবেন না। পরে আবার তিনি আমাদের বাহন দিয়ে দিলেন। তখন বললেনঃ আল্লাহর কসম! আমি তো তোমাদের বাহন দেইনি, বরং আল্লাহই তো তোমাদের দিয়েছেন। আর আমি, আল্লাহর কসম! যদি আল্লাহ চান, যখন কোন ব্যাপারে কসম করার পর এরচেয়ে উত্তম কিছু দেখতে পাই, তখন আমি আমার কসমের কাফ্ফারা আদায় করি এবং আমি সেই ভাল কাজটি করি। অথবা তিনি বলেনঃ আমি সেই ভাল কাজটি করি এবং আমার কসমের কাফ্ফারা আদায় করে দেই।

২১০৮ حَدَّثَنَا عَلِيُّ بْنُ مُحَمَّدٍ وَ عَبْدِ اللَّهِ بْنُ عَامِرٍ مِنْ زُرَّارَةَ قَالَ لَنَا أَبُو بَكْرٍ بْنُ عِيَّاشٍ، عَنْ عَبْدِ الْعَزِيزِ بْنِ رُقَيْعٍ، عَنْ تَعِيمِ بْنِ طَرْفَةَ، عَنْ عَدِيِّ بْنِ حَاتِمٍ، قَالَ قَالَ رَسُولُ اللَّهِ ﷺ مَنْ حَلَفَ عَلَى يَمِينٍ فَرَأَى غَيْرَهَا خَيْرًا مِنْهَا فَلْيَأْتِ الَّذِي هُوَ خَيْرٌ وَلْيُكْفِرْ عَنْ يَمِينِهِ -

২১০৮ 'আলী ইবন মুহাম্মদ ও আব্দুল্লাহ ইবন আমির ইবন যুরারা (র)... 'আদী ইবন হাতিম (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ কেউ কসম করার পর যদি অন্য কিছু এর চেয়ে উত্তম বিবেচনা করে, তবে সে যেন ঐ উত্তম কাজটি করে এবং তার কসমের কাফ্ফারা আদায় করে দেয়।

২১০৭ حَدَّثَنَا مُحَمَّدُ بْنُ أَبِي عُمَرَ الْعَدَنِيُّ ثَنَا سَفْيَانُ بْنُ عُيَيْنَةَ ثَنَا أَبُو الزُّعْرَاءِ عَمْرُو بْنُ عَمْرٍ عَنْ عَمِّهِ أَبِي الْأَخْوَصِ عَوْفِ بْنِ مَالِكِ الْجَشْمِيِّ عَنْ أَبِيهِ، قَالَ قُلْتُ يَا رَسُولَ اللَّهِ! يَأْتِيَنِي ابْنُ عَمِّي فَأَحْلِفُ أَنْ لَا أُعْطِيَهُ وَلَا أُصَلِّهُ قَالَ كَفَرُ عَنْ يَمِينِكَ -

২১০৯ মুহাম্মদ ইবন আবু উমর 'আদানী (র)... মালিক জুশামী (রা) থেকে বর্ণিত। তিনি বলেন, আমি বললামঃ ইয়া রাসূলুল্লাহ ﷺ! আমার কাছে আমার চাচাতো ভাই আসলে আমি কসম খেয়ে বলি যে, আমি তাকে কিছু দেব না এবং আমি তার সাথে আত্মীয়তার সম্পর্ক রক্ষা করব না। তিনি বললেনঃ তুমি তোমার কসমের কাফ্ফারা আদায় করে দাও।

৭. بَابُ مَنْ قَالَ كَفَّارَتَهَا تَرْكُهَا

অনুচ্ছেদ : যারা বলে— মন্দ বিষয়ে কসমের কাফ্ফারা হলো কাজটি বর্জন করা

২১১০ حَدَّثَنَا عَلِيُّ بْنُ مُحَمَّدٍ ثَنَا عَبْدُ اللَّهِ بْنُ ثَمِيرٍ، عَنْ حَارِثَةَ بْنِ أَبِي الرَّجَالِ، عَنْ عَمْرَةَ، عَنْ عَائِشَةَ، قَالَتْ: قَالَ رَسُولُ اللَّهِ ﷺ: مَنْ حَلَفَ فِي قَطِيعَةٍ رَجِحَ، أَوْفِيهَا لَا يَصْلُحُ، فَبِرُّهُ، أَنْ لَا يَتِمَّ عَلَى ذَلِكَ -

২১১০ আলী ইবন মুহাম্মদ (র)... আয়েশা (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ যে ব্যক্তি আত্মীয়তার সম্পর্কচ্ছেদ অথবা অন্য কোন অনুচিত বিষয়ে কসম করে, তবে তার জন্য ঐ কাজটি সম্পন্ন না করার মধ্যে কল্যাণ নিহিত আছে।

২১১১ حَدَّثَنَا عَبْدُ اللَّهِ بْنُ عَبْدِ الْمُؤْمِنِ الْوَأَسِطِيُّ ثَنَا عَمْرَةُ ثَنَا رُوْحُ بْنُ الْقَاسِمِ، عَنْ عُبَيْدِ اللَّهِ بْنِ عَمْرٍ عَنْ عَمْرٍو بْنِ شُعَيْبٍ عَنْ أَبِيهِ عَنْ جَدِّهِ، أَنَّ النَّبِيَّ ﷺ قَالَ مَنْ حَلَفَ عَلَى يَمِينٍ فَرَأَى غَيْرَهَا خَيْرًا مِنْهَا فَلْيَتْرِكْهَا فَإِنْ تَرَكَهَا كَفَّارَتُهَا -

২১১১ 'আব্দুল্লাহ ইবন 'আব্দুল হু'মিন ওয়াসিউ (র)... 'আমর ইবন হু'আয়বের দাদা (রা) থেকে বর্ণিত। নবী ﷺ বলেছেনঃ যে ব্যক্তি কসম করার পর দেখে যে, অন্যকিছু এর চেয়ে উত্তম, তখন সে যে জন্য কসম করেছিল; তা যেন পরিত্যাগ করে। কেননা, এটা বর্জন করাই— এর কাফ্ফারা।

৯. بَابُ كَمْ يُطْعَمُ فِي كَفَّارَةِ الْيَمِينِ

অনুচ্ছেদ : কসমের কাফ্ফারার পরিমাণ

২১১২ حَدَّثَنَا الْعَبَّاسُ بْنُ يَزِيدَ ثَنَا زِيَادُ بْنُ عَبْدِ اللَّهِ الْبُكَائِيُّ ثَنَا عُمَرُ بْنُ عَبْدِ اللَّهِ بْنِ يَعْلَى التُّشَقْفِيُّ عَنِ الْمُنْهَالِ بْنِ عَمْرٍو وَعَنْ سَعِيدِ بْنِ جُبَيْرٍ، عَنْ ابْنِ عَبَّاسٍ، قَالَ كَفَّرَ رَسُولُ اللَّهِ ﷺ بِصَاعٍ مِنْ تَمْرٍ وَأَمَرَ النَّاسَ بِذَلِكَ فَمَنْ لَمْ يَجِدْ فَنَصْفُ صَاعٍ مِنْ بُرٍّ -

২১১২ 'আব্বাস ইবন ইয়াযীদ (র).... ইবন 'আব্বাস (রা) থেকে বর্ণিত। তিনি বলেন, রাসূলুল্লাহ ﷺ এক সা' খোরমা দিয়ে কাফ্ফারা আদায় করেছিলেন এবং লোকদেরকে একপ নির্দেশ দিয়েছিলেন। তবে, অবশ্য যদি তা না পায়, তবে অর্ধ সা' গম আদায় করবে।

১০. بَابُ مَنْ أَوْسَطَ مَا تُطْعَمُونَ أَهْلِيكُمْ

অনুচ্ছেদ : তোমরা তোমাদের পরিবার পরিজনকে যে খাবার দাও, তার মধ্যম মান

২১১৩ حَدَّثَنَا مُحَمَّدُ بْنُ يَحْيَى ثَنَا عَبْدُ الرَّحْمَنِ بْنُ مَهْدِيٍّ ثَنَا سَفِينُ بْنُ عِيَيْنَةَ، عَنْ سَلِيمَانَ بْنِ أَبِي الْمُنْغِيرَةِ، عَنْ سَعِيدِ بْنِ جُبَيْرٍ، عَنْ ابْنِ عَبَّاسٍ، قَالَ كَانَ الرَّجُلُ يَقُوتُ أَهْلَهُ قُوْتًا فِيهِ سَعَةٌ وَكَانَ الرَّجُلُ يَقُوتُ أَهْلَهُ قُوْتًا فِيهِ شِدَّةٌ فَنَزَلَتْ مِنْ أَوْسَطِ مَا تُطْعَمُونَ أَهْلِيكُمْ -

২১১৩ মুহাম্মদ ইবন ইয়াহইয়া (র).... ইবন 'আব্বাস (রা) থেকে বর্ণিত। তিনি বলেনঃ কোন কোন লোক তার পরিবার-পরিজনকে খুব উদার হাতে আহার দান করত। আর কেউ কেউ খুব হিসাব করে খরচ করত। তখন এ আয়াতটি নাযিল হয়ঃ - مَنْ أَوْسَطَ مَا تُطْعَمُونَ أَهْلِيكُمْ -

অর্থাৎ “তোমরা তোমাদের পরিজনদের যা খেতে দাও, তার মধ্যম ধরনের।”

১১. بَابُ النَّهْيِ أَنْ يَسْتَلِجَ الرَّجُلُ فِي يَمِينِهِ وَ لَا يُكْفِرُ

অনুচ্ছেদ : কারো মন্দ কাজের কসম করে তার উপর অবিচল থাকা ও কাফ্ফারা আদায় না করা নিষেধ

২১১৪ حَدَّثَنَا سَفِيَانُ بْنُ وَكَيْعٍ ثَنَا مُحَمَّدُ بْنُ حُمَيْدٍ الْمَعْمَرِيُّ، عَنْ مَعْمَرٍ، عَنْ هَمَّامٍ، قَالَ سَمِعْتُ أَبَاهُ رِبْرَةَ يَقُولُ قَالَ أَبُو الْقَاسِمِ ﷺ إِذَا اسْتَلِجَ أَحَدُكُمْ فِي الْيَمِينِ فَإِنَّهُ إِثْمٌ لَهُ عِنْدَ اللَّهِ مِنَ الْكُفَّارَةِ الَّتِي أَمْرِيهَا -

حَدَّثَنَا مُحَمَّدُ بْنُ يَحْيَى بْنِ صَالِحٍ الْوُحَاظِيُّ ثَنَا مُعَاوِيَةُ بْنُ سَلَامٍ، عَنْ يَحْيَى بْنِ أَبِي كَثِيرٍ، عَنْ عِكْرِمَةَ، عَنْ أَبِي هُرَيْرَةَ عَنِ النَّبِيِّ ﷺ، نَحْوَهُ -

২১১৪ সুফয়ান ইবন অকী' (র)... আবু হুরায়রা (রা) থেকে বর্ণিত। তিনি বলেন, আবুল কাসিম বলেছেনঃ যখন তোমাদের কেউ কোন অসঙ্গত কসমের উপর অটল থাকে, তখন সে আল্লাহর কাছে অপরাধী গণ্য হয়। তার উচিত আল্লাহর পক্ষ থেকে নির্ধারিত কাফফারা আদায় করে দেওয়া।

মুহাম্মদ ইবন ইয়াহইয়া (র)... আবু হুরায়রা (রা) সূত্রে নবী ﷺ থেকে অনুরূপ বর্ণিত আছে।

১২. بَابُ ابْتِرَارِ الْمُقْسِمِ

অনুচ্ছেদ : কসমকারীর দায়মুক্তিতে সাহায্য করা

২১১৫ حَدَّثَنَا عَلِيُّ بْنُ مُحَمَّدٍ ثَنَا وَكِيعٌ، عَنْ عَلِيِّ بْنِ صَالِحٍ، عَنْ أَشْعَثِ بْنِ أَبِي الشُّعْثَاءِ، عَنْ مُعَاوِيَةَ بْنِ سُؤَيْدٍ بِنْمَقْرِنٍ، عَنِ الْجَرَاءِ بْنِ عَازِبٍ، قَالَ: أَمَرَنَا رَسُولُ اللَّهِ ﷺ بِإِبْتِرَارِ الْمُقْسِمِ -

২১১৫ 'আলী ইবন মুহাম্মদ (র)... বারা ইবন আযিব (রা) থেকে বর্ণিত। তিনি বলেনঃ রাসূলুল্লাহ ﷺ কসমকারীর দায় মুক্তিতে সাহায্য করতে আমাদের নির্দেশ দিয়েছেন।

২১১৬ حَدَّثَنَا أَبُو بَكْرِ بْنُ أَبِي شَيْبَةَ ثَنَا مُحَمَّدُ بْنُ فَضِيلٍ، عَنْ يَزِيدَ بْنِ عَبْدِ الرَّحْمَنِ بْنِ صَفْوَانَ، أَوْ عَنْ صَفْوَانَ بْنِ عَبْدِ الرَّحْمَنِ الْقُرَشِيِّ، قَالَ لَمَّا كَانَ يَوْمَ فَتْحِ مَكَّةَ جَاءَ بِأَبِيهِ فَقَالَ: يَا رَسُولَ اللَّهِ! اجْعَلْ لِأَبِي نَصِيبًا مِنَ الْهِجْرَةِ فَقَالَ إِنَّهُ لَا هِجْرَةَ فَانْطَلِقْ فَدَخَلَ عَلَى الْعَبَّاسِ فَقَالَ قَدْ عَرَفْتَنِي؟ فَقَالَ أَجَلَ فَخَرَجَ الْعَبَّاسُ فِي قَمِيصٍ لَيْسَ عَلَيْهِ رِدَاءٌ فَقَالَ: يَا رَسُولَ اللَّهِ قَدْ عَرَفْتَ فَلَأَنَا وَالَّذِي بَيْنَنَا وَبَيْنَهُمْ وَجَاءَ بِأَبِيهِ لِتَبَايَعِهِ عَلَى الْهِجْرَةِ فَقَالَ النَّبِيُّ ﷺ إِنَّهُ لَا هِجْرَةَ فَقَالَ الْعَبَّاسُ أَقْسَمْتُ فَمَدَّ النَّبِيُّ ﷺ يَدَهُ، فَمَسَّ يَدَهُ فَقَالَ ابْتَرَّتْ عَمِّي وَلَا هِجْرَةَ -

حَدَّثَنَا مُحَمَّدُ بْنُ يَحْيَى ثَنَا الْحَسَنُ بْنُ الرَّبِيعِ، عَنْ عَبْدِ اللَّهِ بْنِ اِدْرِيسَ، عَنْ يَزِيدَ بْنِ أَبِي زِيَادٍ، بِإِسْنَادِهِ، نَحْوَهُ -

قال يزيد بن أبي زياد يعني لا هجرة من دار قد أسلم أهلها -

২১১৬ আবু বকর ইবন আবু শায়বা (র)... আব্দুর রহমান ইবন সফওয়ান অথবা সফওয়ান ইবন আব্দুর রহমান কুরাশী (রা) থেকে বর্ণিত। তিনি বলেনঃ মক্কা বিজয়ের দিন আব্দুর রহমান তার পিতাকে

নিয়ে আসলেন এবং বললেনঃ ইয়া রাসূলাদ্বাহ! আমার পিতাকে হিজরতে শরীক রাখুন। তখন তিনি বললেনঃ আর তো হিজরত নেই। তখন তিনি সেখান থেকে চলে গিয়ে আব্বাস (রা) এর নিকট উপস্থিত হয়ে বললেনঃ আপনি কি আমাকে চেনেন? তিনি বললেনঃ হ্যাঁ। এরপর আব্বাস (রা) একটি জামা গায়ে, চাদর বিহীন অবস্থায় বেরিয়ে পড়লেন এবং বললেনঃ ইয়া রাসূলাদ্বাহ! আপনি তো এই লোকটিকে চিনেন এবং তার ও আমাদের মধ্যকার ঘনিষ্ঠতাও আপনি জানেন। লোকটি তার পিতাকে নিয়ে এসেছে, যেন আপনি তাকে হিজরতের উপর বায়'আত করান। তখন নবী ﷺ বললেনঃ এখন তো আর হিজরত নেই। তখন আব্বাস (রা) বললেনঃ আপনাকে কসম দিয়ে বলছি। তখন নবী তাঁর হাত বাড়িয়ে দিলেন ও লোকটির হাত স্পর্শ করলেন এবং বললেনঃ আমি কেবল আমার চাচার শপথ পূর্ণ করলাম। আসলে এখন আর হিজরত নেই।

মুহাম্মদ ইবন ইয়াহইয়া (র)....ইয়াযীদ ইবন আবু যিয়াদ (র) থেকে উপরের হাদীসের অনুরূপ বর্ণিত।

ইয়াযীদ ইবন আবু যিয়াদ (র) বলেনঃ রাসূলুল্লাহ ﷺ এর কথার মর্ম এই যে, যে দেশের অধিবাসীগণ ইসলাম গ্রহণ করেছে, সে দেশ থেকে আর হিজরত করে অন্যত্র যাওয়ার প্রয়োজন নেই।

১১. بَابُ النَّهْيِ أَنْ يُقَالَ مَا شَاءَ اللَّهُ وَ شِبْتٌ

অনুচ্ছেদ : আল্লাহ যা চান এবং তুমি যা চাও এরূপ বলা নিষেধ

২১১৭ حَدَّثَنَا هِشَامُ بْنُ عَمَّارٍ ثَنَا عَيْسَى بْنُ يُونُسَ ثَنَا الْأَجْلَحُ الْكِنْدِيُّ، عَنْ يَزِيدِ بْنِ الْأَصَمِّ، عَنِ ابْنِ عَبَّاسٍ، قَالَ رَسُولُ اللَّهِ ﷺ إِذَا حَلَفَ أَحَدُكُمْ فَلَا يَقُلْ : مَا شَاءَ اللَّهُ وَ شِبْتٌ وَ لَكِنْ لِيَقُلْ مَا شَاءَ اللَّهُ شِبْتٌ -

২১১৭ হিশাম ইবন 'আম্মার (র).... ইবন 'আব্বাস (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ যখন তোমাদের কেউ শপথ করে, তখন সে যেন এমন না বলে, আল্লাহ যা চান এবং তুমি যা ইচ্ছা কর। বরং সে যেন বলেঃ আল্লাহ যা ইচ্ছা করেন, এরপর তুমি যা ইচ্ছা কর।

২১১৮ حَدَّثَنَا هِشَامُ بْنُ عَمَّارٍ ثَنَا سُفْيَانُ بْنُ عُيَيْنَةَ، عَنْ عَبْدِ الْمَلِكِ بْنِ عُمَيْرٍ، عَنْ رَبِيعِ بْنِ حِرَاشٍ، عَنْ حَذِيفَةَ بْنِ الْيَمَانِ، أَنَّ رَجُلًا مِنَ الْمُسْلِمِينَ رَأَى فِي النَّوْمِ أَنَّهُ لَقِيَ رَجُلًا مِنْ أَهْلِ الْكِتَابِ فَقَالَ نِعَمَ الْقَوْمِ أَنْتُمْ لَوْلَا أَنْكُمْ تَشْرِكُونَ تَقُولُونَ مَا شَاءَ اللَّهُ وَ شَاءَ مُحَمَّدٌ وَ ذَكَرَ ذَلِكَ لِلنَّبِيِّ ﷺ فَقَالَ أَمَا وَاللَّهِ ! إِنْ كُنْتَ لَأَعْرِفَهَا لَكُمْ قَوْلُوا مَا شَاءَ اللَّهُ ثُمَّ شَاءَ مُحَمَّدٌ -

২১১৮ حَدَّثَنَا مُحَمَّدُ بْنُ عَبْدِ الْمَلِكِ بْنِ أَبِي الشَّوَّازِ ثَنَا أَبُو عَوَانَةَ، عَنْ عَبْدِ الْمَلِكِ بْنِ رَبِيعِ بْنِ حِرَاشٍ، عَنِ الطَّفِيلِ بْنِ سَخْبَرَةَ أَخِي عَائِشَةَ لَامِهَا، عَنِ النَّبِيِّ ﷺ بِنَحْوِهِ -

২১১৮ হিশাম ইবন আম্মার (র)... হুযায়ফা ইবন ইয়ামান (রা) থেকে বর্ণিত। একজন মুসলমান স্বপ্নে দেখল যে, সে আহলে কিতাবের জনৈক ব্যক্তির সাথে সাক্ষাত করেছে। আহলে কিতাবের লোকটি বললঃ তোমরা কতই ভাল জাতি। যদি তোমরা শিরক না করতে! তোমরা তো বলে থাকঃ “আল্লাহ যা ইচ্ছা করেন, আর মুহাম্মদ যা ইচ্ছা করেন।” পরে তিনি স্বপ্নের কথাটি নবী ﷺ এর কাছে উল্লেখ করেন। তখন তিনি বলেনঃ আল্লাহর কসম! আমি তো তোমাদের এরূপ কিছু বলতে শিখাইনি। বরং তোমরা বলবেঃ আল্লাহ যা ইচ্ছা করেন, এরপর মুহাম্মদ ﷺ যা চান।

মুহাম্মদ ইবন আব্দুল মালিক ইবন আবু শাওয়ারিব (র)... ‘আয়েশা (রা)-এর বৈপিক্রেয় ভাই তুফায়ল ইবন সাখ্বারা (রা) সূত্রে নবী ﷺ থেকে অনুরূপ বর্ণিত আছে।

১৬. **بَابُ مَنْ وَدَىٰ فِي يَمِينِهِ**

অনুচ্ছেদ : শপথের সময় কেউ যদি মনের ইচ্ছা গোপন রাখে

২১১৭ حَدَّثَنَا أَبُو بَكْرِ بْنُ أَبِي شَيْبَةَ ثَنَا عُبَيْدُ اللَّهِ بْنُ مُوسَى، عَنْ إِسْرَائِيلَ ح وَحَدَّثَنَا يَحْيَى بْنُ حَكِيمٍ، عَنْ عَبْدِ الرَّحْمَنِ بْنِ مَهْدِيٍّ عَنْ إِسْرَائِيلَ، عَنْ إِبْرَاهِيمَ بْنِ عَبْدِ الْأَعْلَى عَنْ جَدِّهِ، عَنْ أَبِيهَا سُؤَيْدِ بْنِ حَنْظَلَةَ، قَالَ خَرَجْنَا نُرِيدُ رَسُولَ اللَّهِ ﷺ وَمَعَنَا وَإِلِ بْنِ حُجْرٍ فَأَخَذَهُ عَدُوُّهُ فَتَحَرَّجَ النَّاسُ أَنْ يَحْلِفُوا فَحَلَفْتُ أَنَا أَنَّهُ أَحَىُّ فَخَلَى سَبِيلَهُ فَاتَيْنَا رَسُولَ اللَّهِ ﷺ فَأَخْبَرْتُهُ أَنَّ الْقَوْمَ تَحَرَّجُوا أَنْ يَحْلِفُوا وَحَلَفْتُ أَنَا أَنَّهُ أَحَىُّ فَقَالَ صَدَقْتَ الْمُسْلِمُ أَخُو الْمُسْلِمِ -

২১১৯ আবু বকর ইবন আবু শায়বা ও ইয়াইয়া ইবন হাকীম (র)... সুওয়াদ ইবন হানযালা (রা) থেকে বর্ণিত। তিনি বলেনঃ আমরা রাসূলুল্লাহ ﷺ এর খোঁজে বের হলাম। এ সময় আমাদের সাথে ছিলেন ওয়ায়েল ইবন হুজর। তার শত্রু তাকে ধরে ফেলল। তখন কেউ শপথ করতে রাযী হল না। আমি শপথ করে বললামঃ সে আমার ভাই। এ কথা বলায় শত্রুগণ তাকে ছেড়ে দিল। আমরা রাসূলুল্লাহ ﷺ এর কাছে এসে তাঁকে জানালাম যে, কাওমের লোকেরা কসম করতে রাযী হয়নি, আমি কসম করে বলেছিলাম, সে আমার ভাই। রাসূলুল্লাহ ﷺ বললেনঃ তুমি সত্যই বলেছ, এক মুসলমান অপর মুসলমানের ভাই।

২১২০ حَدَّثَنَا أَبُو بَكْرِ بْنُ أَبِي شَيْبَةَ ثَنَا يَزِيدُ بْنُ هَارُونَ أَنَا هُشَيْمٌ، عَنْ عَبْدِ بْنِ أَبِي صَالِحٍ، عَنْ أَبِيهِ، عَنْ أَبِي هُرَيْرَةَ، قَالَ قَالَ رَسُولُ اللَّهِ ﷺ إِنَّمَا الْيَمِينُ عَلَى نِيَةِ الْمُسْتَحْلِفِ -

২১২০ আবু বকর ইবন আবু শায়বা (র)... আবু হুরায়রা (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ কসম হবে হৃদয় দানকারীর নিয়্যতের ভিত্তিতে।

২১২১ حَدَّثَنَا عُمَرُو بْنُ رَافِعٍ ثَنَا هُشَيْمٌ ثَنَا عَبْدِ اللَّهِ بْنُ أَبِي صَالِحٍ، عَنْ أَبِيهِ، عَنْ أَبِي هُرَيْرَةَ، قَالَ قَالَ رَسُولُ اللَّهِ ﷺ يَمِينُكَ عَلَى مَا يُصْنَعُكَ بِهِ صَاحِبُكَ -

২১২১ 'আমর ইবন রাফি' (র)... আবু হুরায়রা (রা) থেকে বর্ণিত। তিনি বলেন, রাসূলুল্লাহ ﷺ বলেছেন: তোমার কসম সে ভিত্তিতেই হবে, যা হলফদানকারী সত্যায়ন করে।

১৫. بَابُ النَّهْيِ عَنِ النَّذْرِ

অনুচ্ছেদ : মানতের নিষিদ্ধতা

২১২২ حَدَّثَنَا عَلِيُّ بْنُ مُحَمَّدٍ ثَنَا وَكِيعٌ عَنْ سُفْيَانَ، عَنْ مَنْصُورٍ، عَنْ عَبْدِ اللَّهِ بْنِ مَرْثَةَ، عَنْ عَبْدِ اللَّهِ بْنِ عُمَرَ، قَالَ نَهَى رَسُولُ اللَّهِ ﷺ عَنِ النَّذْرِ وَقَالَ إِنَّمَا يُسْتَخْرَجُ بِهِ مِنَ اللَّئِيمِ -

২১২২ আলী ইবন মুহাম্মদ (র)... আব্দুল্লাহ ইবন উমর (রা) থেকে বর্ণিত। তিনি বলেন: রাসূলুল্লাহ ﷺ মানত করতে নিষেধ করেছেন এবং বলেছেন যে, এর দ্বারা কেবল মাত্র কৃপণের কিছু ধন বের করে আনা হয়।

২১২৩ حَدَّثَنَا أَحْمَدُ بْنُ يُونُسَ ثَنَا عَبْدُ اللَّهِ عَنْ الْأَعْرَجِ، عَنْ أَبِي هُرَيْرَةَ، قَالَ قَالَ رَسُولُ اللَّهِ ﷺ إِنْ النَّذْرَ لَا يَأْتِي ابْنَ آدَمَ بِشَيْءٍ إِلَّا مَا قَدَرَ لَهُ وَلَكِنْ يَغْلِبُهُ الْقَدْرُ، مَا قَدَرَ لَهُ فَيُسْتَخْرَجُ بِهِ مِنَ الْبَخِيلِ يَسْرُ عَلَيْهِ مَا لَمْ يَكُنْ يَسْرُ عَلَيْهِ مِنْ قَبْلِ ذَلِكَ وَقَدْ قَالَ اللَّهُ أَنْفِقْ أَنْفِقْ مَعْلَيْكَ -

২১২৩ আহমদ ইবন ইয়ুসুফ (র)..... আবু হুরায়রা (রা) থেকে বর্ণিত। তিনি বলেন, রাসূলুল্লাহ ﷺ বলেছেন: মানত আদম সন্তানকে তার জন্য নির্ধারিত বস্তুর অতিরিক্ত কিছু দেয় না। তবে, অনেক সময় তাকদীর বিলম্বিত হয় এবং অবসরে কৃপণ লোক থেকে কিছু সম্পদ বের করে আনা হয়। আর তখন তার জন্য বিষয়টি সহজ হয়ে যায়, যা আগে সহজ ছিল না। অথচ আল্লাহ তো বলেছেন: “তুমি খরচ কর, আমি তোমার উপর খরচ করব।”

১৬. بَابُ النَّذْرِ فِي الْمَعْصِيَةِ

অনুচ্ছেদ : পাপ কাজের মানত

২১২৪ حَدَّثَنَا سَهْلُ بْنُ أَبِي سَهْلٍ ثَنَا سُفْيَانُ بْنُ عُيَيْنَةَ ثَنَا أَيُّوبُ عَنْ أَبِي قِلَابَةَ، عَنْ عَمْرِانِ بْنِ الْحُصَيْنِ، قَالَ قَالَ رَسُولُ اللَّهِ ﷺ لَا نَذْرَ فِي مَعْصِيَةٍ - وَلَا نَذْرَ فِيمَا لَا يَمْلِكُ ابْنُ آدَمَ -

২১২৪ সাহল ইবন আবু সাহল (র).... ইমরান ইবন হুসায়ন (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ পাপ কাজে কোন মানত নেই; আর আদম সন্তান যে কাজের ক্ষমতা না রাখে, সেখানে কোন মানত নেই।

২১২৫ حَدَّثَنَا أَبُو طَاهِرٌ ثَنَا ابْنُ وَهْبٍ أَنبَأَنَا يُونُسُ، عَنِ ابْنِ شِهَابٍ، عَنْ أَبِي سَلَمَةَ عَنْ عَائِشَةَ، أَنَّ رَسُولَ اللَّهِ ﷺ قَالَ لَا نَذْرَ فِي مَعْصِيَةٍ وَكَفَّارَتُهُ كَفَّارَةٌ يَمِينٍ -

২১২৫ আহমদ ইবন আমর ইবন সারাহ মিসরী আবু তাহির (র).... আয়েশা (রা) থেকে বর্ণিত। রাসূলুল্লাহ ﷺ বলেছেনঃ গুনাহের কাজে কোন মানত নেই। আর এর কাফ্ফারা হলো কসমের কাফ্ফারার মত।

২১২৬ حَدَّثَنَا أَبُو بَكْرِ بْنُ أَبِي شَيْبَةَ ثَنَا أَبُو أُسَامَةَ، عَنْ عُبَيْدِ اللَّهِ، عَنْ طَلْحَةَ بْنِ عَبْدِ الْمَلِكِ، عَنِ الْقَاسِمِ بْنِ مُحَمَّدٍ، عَنْ عَائِشَةَ، قَالَتْ : قَالَ رَسُولُ اللَّهِ ﷺ مَنْ نَذَرَ أَنْ يُطِيعَ اللَّهَ فَلْيُطِيعْهُ وَمَنْ نَذَرَ أَنْ يُعْصِيَ اللَّهَ فَلَا يُعْصِيهِ -

২১২৬ আবু বকর ইবন আবু শায়বা (র).... 'আয়েশা (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ যে ব্যক্তি আল্লাহর নির্দেশ পালনের মানত করে, সে যেন তা আদায় করে। আর যে ব্যক্তি আল্লাহর অবাধ্যতার মানত করে, সে যেন অবাধ্যতা না করে।

১৭. بَابُ مَنْ نَذَرَ نَذْرًا وَلَمْ يُسِفِهِ

অনুচ্ছেদ : কেউ যদি কোন কিছুর নাম না নিয়ে শুধু মানত করে

২১২৭ حَدَّثَنَا عَلِيُّ بْنُ مُحَمَّدٍ ثَنَا وَكِيعٌ ثَنَا إِسْمَاعِيلُ بْنُ رَافِعٍ، عَنْ خَالِدِ بْنِ يَزِيدَ، عَنْ عُقْبَةَ بْنِ عَامِرٍ الْجُهَنِيِّ، قَالَ رَسُولُ اللَّهِ ﷺ مَنْ نَذَرَ نَذْرًا وَلَمْ يُسِفِهِ، فَكَفَّارَتُهُ كَفَّارَةٌ يَمِينٍ -

২১২৭ 'আলী ইবন মুহাম্মদ (র).... উকবা ইবন আমির জুহানী (রা) থেকে বর্ণিত। তিনি বলেন, রাসূলুল্লাহ ﷺ বলেছেনঃ যে ব্যক্তি কোন কিছুর উল্লেখ না করে শুধু মানত করে, তবে তার কাফ্ফারা হবে কসমের কাফ্ফারার মত।

২১২৮ حَدَّثَنَا مِشَامُ بْنُ عَمَّارٍ ثَنَا عَبْدِ الْمَلِكِ بْنُ مُحَمَّدٍ الْمُسْلَعَانِيُّ ثَنَا خَارِجَةُ بْنُ مُصْعَبٍ عَنْ بُكَيْرِ بْنِ عَبْدِ اللَّهِ بْنِ الْأَشْجِ، عَنْ كُرَيْبٍ، عَنْ ابْنِ عَبَّاسٍ، عَنِ النَّبِيِّ ﷺ قَالَ مَنْ نَذَرَ نَذْرًا وَلَمْ يُسِفِهِ فَكَفَّارَتُهُ كَفَّارَةٌ يَمِينٍ وَمَنْ نَذَرَ نَذْرًا لَمْ يُطِيعْهُ فَكَفَّارَتُهُ كَفَّارَةٌ يَمِينٍ وَمَنْ نَذَرَ نَذْرًا أَطَاقَهُ فَلَيْفٍ بِهِ -

২১২৮ হিশাম ইবন আয্মার (র)... ইবন আক্বাস (রা) সূত্রে নবী ﷺ থেকে বর্ণিত। তিনি বলেনঃ যে ব্যক্তি কোন কিছুর উল্লেখ না করে মানত করে, তবে তার কাফফারা হবে কসমের কাফফারার মত। আর যে ব্যক্তি এমন মানত করে, যা পূরণ করার সাধ্য তার নেই, তবে এর কাফফারা হবে কসমের কাফফারার ন্যায়। আর যে ব্যক্তি এমন মানত করে, যা আদায়ের সে ক্ষমতা রাখে; তবে সে যেন তা পূরণ করে।

১৪. بَابُ الْوَقَاءِ بِالنَّذْرِ

অনুচ্ছেদ : মানত আদায় প্রসঙ্গ

২১২৭ حَدَّثَنَا أَبُو بَكْرِ بْنُ أَبِي شَيْبَةَ ثَنَا حَفْصُ بْنُ غِيَاثٍ، عَنْ عَبْدِ اللَّهِ بْنِ الْخَطَّابِ، نَافِعٍ، عَنْ ابْنِ عُمَرَ، عَنْ عُمَرَ بْنِ الْخَطَّابِ، قَالَ نَذَرْتُ نَذْرًا فِي الْجَاهِلِيَّةِ فَسَأَلْتُ النَّبِيَّ ﷺ بَعْدَ مَا أَسْلَمْتُ فَأَمَرَنِي أَنْ أَوْفِيَ بِنَذْرِي -

২১২৯ আবু বকর ইবন আবু শায়বা (র)... উমর ইবন খাত্তাব (রা) থেকে বর্ণিত। তিনি বলেন, আমি জাহিলিয়াত যুগে একটি মানত করেছিলাম। ইসলাম গ্রহণের পর আমি এ বিষয়ে রাসূলুল্লাহ ﷺ-কে জিজ্ঞাসা করলাম। তখন তিনি আমাকে মানত আদায় করার নির্দেশ দেন।

২১৩০ حَدَّثَنَا مُحَمَّدُ بْنُ يَحْيَى وَعَبْدُ اللَّهِ بْنُ إِسْحَاقَ الْجَوْهَرِيُّ قَالَا ثَنَا عَبْدُ اللَّهِ بْنُ رَجَاءِ أُنْبَأَنَا الْمُسْعُودِيُّ، عَنْ حَبِيبِ بْنِ أَبِي ثَابِتٍ، عَنْ سَعِيدِ بْنِ جُبَيْرٍ، عَنْ ابْنِ عَبَّاسٍ أَنَّ رَجُلًا جَاءَ إِلَى النَّبِيِّ ﷺ فَقَالَ يَا رَسُولَ اللَّهِ إِنِّي نَذَرْتُ أَنْ أَنْحَرَ بَبِوَانَةَ فَقَالَ فِي نَفْسِكَ شَيْءٌ مِنْ أَمْرِ الْجَاهِلِيَّةِ؟ قَالَ لَا قَالَ أَوْفِ بِنَذْرِكَ -

২১৩০ মুহাম্মদ ইবন ইয়াহইয়া ও আব্দুল্লাহ ইবন ইসহাক জাওহারী (র)... ইবন আক্বাস (রা) থেকে বর্ণিত। জনৈক ব্যক্তি নবী ﷺ এর কাছে এসে বললোঃ ইয়া রাসূলুল্লাহ ﷺ! আমি 'বাওয়ানা' নামক স্থানে একটি কুরবানী করার মানত করেছিলাম। তখন তিনি বললেনঃ তোমার মধ্যে কি জাহিলিয়াতের কোন চিন্তাধারা অবশিষ্ট রয়েছে? সে বললোঃ না। তিনি বললেনঃ তাহলে তোমার মানত পূরা করে নাও।

২১৩১ حَدَّثَنَا أَبُو بَكْرِ بْنُ أَبِي شَيْبَةَ ثَنَا مَرْوَانُ بْنُ مُعَاوِيَةَ، عَنْ عَبْدِ اللَّهِ بْنِ عَبْدِ الرَّحْمَنِ الطَّائِفِيِّ، عَنْ مَيْمُونَةَ بِنْتِ كَرْدَمِ الْيَسَارِيَّةِ، أَنَّ أَبَاهَا لَقِيَ النَّبِيَّ ﷺ وَهِيَ رَدِيفَةٌ لَهُ فَقَالَ إِنِّي نَذَرْتُ أَنْ أَنْحَرَ بَبِوَانَةَ فَقَالَ رَسُولُ اللَّهِ ﷺ هَلْ بِهَا وَثْنٌ؟ قَالَ : لَا قَالَ أَوْفِ بِنَذْرِكَ -

حَدَّثَنَا أَبُو بَكْرِ بْنُ أَبِي شَيْبَةَ ثَنَا ابْنُ رُكَيْنٍ عَنْ عَبْدِ اللَّهِ بْنِ عَبْدِ الرَّحْمَنِ، عَنْ يَزِيدَ بْنِ مِقْسَمٍ، عَنْ مَيْمُونَةَ بِنْتِ كَرْدَمٍ، عَنِ النَّبِيِّ ﷺ بِنَحْوِهِ -

২১৩১ আবু বকর ইবন আবু শায়বা (র)...মায়মূনা বিনত কুরদাম ইয়াসারী (রা) থেকে বর্ণিত যে, তার পিতা একবার নবী ﷺ-এর সঙ্গে সাক্ষাত করেন। তখন মায়মূনা তার পিতার সাথে একই বাহনে পিছনে বসা ছিলেন। মায়মূনার পিতা বলেনঃ আমি 'বাওয়ানা' নামক স্থানে একটি কুরবানী করার মানত করেছি। তখন রাসূলুল্লাহ ﷺ জিজ্ঞাসা করলেনঃ সেখানে কি কোন প্রতিমা আছে? তিনি বললেনঃ না। রাসূলুল্লাহ ﷺ বললেনঃ তোমার মানত আদায় করে নাও। আবু বকর ইবন আবু শায়বা (র)...মায়মূনা বিনত কুরদাম (রা) সূত্রে নবী ﷺ থেকে অনুরূপ বর্ণিত আছে।

১৭. بَابُ مَنْ مَاتَ وَعَلَيْهِ نَذْرٌ

অনুচ্ছেদ : মানত আদায় না করে যে মারা যায়

২১৩২ حَدَّثَنَا مُحَمَّدُ بْنُ رُمْحٍ أَخْبَأَنَا اللَّيْثُ بْنُ سَعْدٍ عَنْ ابْنِ شِهَابٍ، عَنْ عُبَيْدِ اللَّهِ، عَنْ ابْنِ عَبَّاسٍ، أَنَّ سَعْدَ بْنَ عَبْدِ اللَّهِ اسْتَفْتَى رَسُولَ اللَّهِ ﷺ فِي نَذْرٍ كَانَ عَلَى امَةِ تُوَفِّيَتْ وَلَمْ تَقْضِهِ فَقَالَ رَسُولُ اللَّهِ ﷺ أَقْضِي عَنْهَا۔

২১৩২ মুহাম্মদ ইবন রুম্হ (র)...ইবন আব্বাস (রা) থেকে বর্ণিত। সা'দ ইবন 'উবাদা (রা) রাসূলুল্লাহ ﷺ কে তার মায়ের একটি মানত সম্পর্কে জিজ্ঞাসা করেন- যা পূর্ণ করার আগেই তার মা মারা যান। তখন রাসূলুল্লাহ ﷺ বললেনঃ তুমিই তার পক্ষ থেকে মানত আদায় করে দাও।

২১৩৩ حَدَّثَنَا مُحَمَّدُ بْنُ يَحْيَى ثَنَا يَحْيَى بْنُ بُكَيْرٍ ثَنَا ابْنُ لَهَيْعَةَ عَنْ عَمْرِو بْنِ دِينَارٍ، عَنْ جَابِرِ بْنِ عَبْدِ اللَّهِ، أَنَّ امْرَأَةً آتَتْ رَسُولَ اللَّهِ ﷺ فَقَالَتْ إِنَّ امِي تُوَفِّيَتْ وَعَلَيْهَا نَذْرٌ صِيَامٍ تُوَفِّيَتْ وَلَمْ تَقْضِهِ فَقَالَ رَسُولُ اللَّهِ ﷺ لِيَصُمْ عَنْهَا الْوَلِيُّ۔

২১৩৩ মুহাম্মদ ইবন ইয়াহইয়া (র)...জাবির ইবন আব্দুল্লাহ (রা) থেকে বর্ণিত। জনৈক মহিলা রাসূলুল্লাহ ﷺ এর কাছে এসে বললোঃ আমার মায়ের উপর সাওমের মানত ছিল। কিন্তু তা আদায় করার আগেই তিনি মারা গিয়েছেন। তখন রাসূলুল্লাহ ﷺ বললেনঃ তার পক্ষ থেকে ওলী যেন সাওম আদায় করে নেয়।

২০. بَابُ مَنْ نَذَرَ أَنْ يَحُجَّ مَاشِيًا

অনুচ্ছেদ : যে ব্যক্তি পায়ে হেঁটে হজ্জ করার মানত করে

২১৩৪ حَدَّثَنَا عَلِيُّ بْنُ مُحَمَّدٍ ثَنَا عَبْدُ اللَّهِ بْنُ نُمَيْرٍ، عَنْ يَحْيَى بْنِ سَعِيدٍ، عَنْ عُبَيْدِ اللَّهِ بْنِ نَحْرٍ، عَنْ أَبِي سَعِيدٍ الرَّعِينِيِّ، أَنَّ عَبْدَ اللَّهِ بْنَ مَالِكٍ أَخْبَرَهُ أَنَّ عَقْبَةَ بْنَ عَامِرٍ أَخْبَرَهُ أَنَّ أُخْتَهُ نَذَرَتْ أَنْ تَمْشِيَ حَفِيَّةً، غَيْرَ مَحْتَمِرَةٍ وَأَنَّهُ ذَكَرَ ذَلِكَ لِرَسُولِ اللَّهِ ﷺ فَقَالَ مَرُّهَا فَلْتَرْكَبْ وَلْتَحْمِرْ وَلْتَصُمْ ثَلَاثَةَ أَيَّامٍ۔

[২১৩৪] আলী ইবন মুহাম্মদ (র)... উক্বা ইবন আমির (রা) থেকে বর্ণিত। তিনি বলেনঃ তাঁর বোন একবার মানত করেছিলেন যে, তিনি খালি পায়ে হেঁটে মুখ খোলা অবস্থায় হজ্জ আদায় করবেন। তিনি বিষয়টি রাসূলুল্লাহ ﷺ এর কাছে উল্লেখ করেন। তখন নবী ﷺ বললেনঃ তাকে বল, সে যেন বাহনে আরোহন করে ও মুখ ঢেকে রাখে। আর তিন দিন সাওম পালন করে।

[২১৩৫] حَدَّثَنَا يَعْقُوبُ بْنُ حُمَيْدٍ بْنُ كَاسِبٍ ثَنَا عَبْدُ الْعَزِيزِ بْنُ مُحَمَّدٍ، عَنْ عُمَرُو بْنِ أَبِي عَمْرٍو، عَنِ الْأَعْرَجِ عَنْ أَبِي هُرَيْرَةَ، قَالَ رَأَى النَّبِيَّ ﷺ شَيْخًا يَمْشِي بَيْنَ ابْنَيْهِ فَقَالَ مَا شَأْنُ هَذَا؟ قَالَ ابْنَاهُ نَذَرْتُ يَا رَسُولَ اللَّهِ! قَالَ ارْكَبْ أَيُّهَا الشَّيْخُ! فَإِنَّ اللَّهَ غَنَى عَنْكَ وَعَنْ نَذْرِكَ-

[২১৩৫] ইয়াকুব ইবন হুমায়দ ইবন কাসিব (র)... আবু হুরায়রা (রা) থেকে বর্ণিত। তিনি বলেনঃ নবী ﷺ একবার এক বৃদ্ধকে দেখলেন যে, সে তার দু'ছেলেকে ধরে হেঁটে যাচ্ছে। তখন তিনি বললেনঃ এ ব্যক্তির কি হয়েছে? ছেলেরা বললঃ ইয়া রাসূলুল্লাহ ﷺ! এটা তার মানত। রাসূলুল্লাহ ﷺ বললেনঃ হে বৃদ্ধ! তুমি কোন যানবাহনে আরোহণ কর; কেননা, আল্লাহ তোমার এই কষ্ট ও মানতের মুখাপেক্ষী নন।

২১. بَابُ مَنْ خَلَطَ فِي نَذْرِهِ طَاعَةَ بِمَعْصِيَةٍ

অনুচ্ছেদ : যে ব্যক্তি মানতের মধ্যে পাপের সাথে পুণ্য মিলিয়ে নেয়

[২১৩৬] حَدَّثَنَا مُحَمَّدُ بْنُ يَحْيَى ثَنَا اسْحَاقُ بْنُ مُحَمَّدٍ الْفَرَوِيُّ ثَنَا عَبْدُ اللَّهِ بْنُ عُمَرَ، عَنْ عُبَيْدِ اللَّهِ بْنِ عُمَرَ، عَنْ عَطَاءِ بْنِ أَبِي عَبَّاسٍ، أَنَّ رَسُولَ اللَّهِ ﷺ مَرَّ بِرَجُلٍ بِمَكَّةَ وَهُوَ قَائِمٌ فِي الشَّمْسِ فَقَالَ مَا هَذَا؟ قَالُوا نَذَرْنَا أَنْ نُصُومَ وَلَا يَسْتَطِيلَ إِلَى اللَّيْلِ وَلَا يَتَكَلَّمَ وَلَا يَزَالَ قَائِمًا قَالَ لِيَتَكَلَّمْ وَلِيَسْتَطِيلْ وَلِيَجْلِسْ وَلِيَتِمَّ صَوْمُهُ-

حَدَّثَنَا الْحُسَيْنُ بْنُ مُحَمَّدٍ بْنِ شَيْبَةَ الْوَاسِطِيُّ ثَنَا الْعَلَاءُ بْنُ عَبْدِ الْجَبَّارِ، عَنْ وَهْبٍ، عَنْ أَبِي يُوَيْبٍ عَنْ عِكْرَمَةَ، عَنْ ابْنِ عَبَّاسٍ، عَنِ النَّبِيِّ ﷺ نَحْوَهُ وَاللَّهُ أَعْلَمُ-

[২১৩৬] মুহাম্মদ ইবন ইয়াহইয়া (র)... ইবন আব্বাস (রা) থেকে বর্ণিত। রাসূলুল্লাহ ﷺ মক্কায় এক ব্যক্তির পাশ দিয়ে যাচ্ছিলেন। তিনি দেখলেন, লোকটি রোদে দাঁড়িয়ে আছে। তিনি জিজ্ঞাসা করলেনঃ এটা কি? লোকেরা বললোঃ এ লোকটি মানত করেছে যে, সে সাওম পালন করবে, আর সারাদিন ছায়া গ্রহণ করবে না, কথা বলবে না এবং সারাক্ষণ দাঁড়িয়েই থাকবে। রাসূলুল্লাহ ﷺ বললেনঃ সে যেন কথা বলে, ছায়া গ্রহণ করে, বসে যায় এবং সাওম পূর্ণ করে নেয়।

হুসায়ন ইবন মুহাম্মদ ইবন শায়বা ওয়াসিতি (র)... ইবন আব্বাস (রা) সূত্রে নবী ﷺ থেকে অনুরূপ বর্ণিত আছে।